

## STATUDOÙ KEVREDIGEZH AR REDADEG A DI DA DI

### Mellad 1 :

Savet ez eus etre an dud a-du gant ar statudoù-mañ ur gevredigezh dindan lezenn ar 1<sup>añ</sup> a viz Gouere 1901 ha dekred ar 16 a viz Eost 1901 anvet : « Ar Redadeg a di da di ».

### Mellad 2 :

Dezv ar gevredigezh « ar Redadeg a di da di » eo aozañ ur redadeg dre Vreizh gant daou bal pennañ :

- Kas war-raok implij ha diorren ar brezhoneg er gevredigezh,
- Dastum arc'hant evit skoaziañ raktresoù mennet da gas war-raok ar brezhoneg er gevredigezh e Breizh.

Ar re a c'hello tennañ gounid eus an arc'hantañ-se eo an holl aozadurioù a ra gant ar brezhoneg hag a gas anezhañ war-raok ha da gentañ penn ar gevredigezh Diwan, anezhi kevredad skolioù Diwan, en abeg d'he ferzh a bouez e treuzkasadur ar brezhoneg hag en askont d'he diaesterioù arc'hant, stag ouzh diorren he rouedad peurgetket.

Ez-statudel e termener :

- eo pal-pennañ ar gevredigezh ingaliñ an argant dastumet dre argantiñ a-stroll kilometroù pep Redadeg hanter evit Diwan ha hanter evit raktresoù all hervez ar c'haier kargoù merket er reoleneg diabarzh.
- e klaskay dizehan ar gevredigezh argantiñ he monet en-dro dre hentoù arall, é l ar mesenerezh, ar profoù argant pe ar yalc'hadoù a c'hellahe kaout.
- e vez termenet an dasparzh argant-se er reoleneg diabarzh hag e vez resisaet e implij get ar C'huzul-Meriñ e penn-kentañ aozñ pep Redadeg.

### Mellad 3 :

Bez e tibab ar gevredigezh « Ar Redadeg a di da di » ar brezhoneg evel yezh a vont en-dro da dremen da gentañ.

### Mellad 4 :

Ober a raio ar gevredigezh « Ar Redadeg a di da di » gant an holl zoareoù a zegouezh da dizhout he falioù, en o zouez :

- Gwerzh ar c'hilometradoù redet
- Klask an harperien
- Gwerzh produadoù stag
- Emglevioù mesenerezh ha sponsor savet gant an embregerezhioù
- Buhezadur war hent ar Redadeg
- Implij an holl zoareoù kehentiñ a c'hell kas war-raok ar Redadeg ha kelaouiñ diwar-benn stad ar brezhoneg.

### Mellad 5 :

Lec'hiet eo pelloc'h sez sokial ar gevredigezh « Ar Redadeg a di da di » e Breal-Moñforzh, 140 park an alc'hweder. Bez e c'hello bezañ dilec'hiet e n'eus forzh peseurt kumun all a bemp departamant Breizh dre ziviz ar burev.

### Mellad 6 :

Didermen eo padelezh buhez ar gevredigezh « ar Redadeg a di da di ».

**Mellad 7 :**

Setu mammennoù arc'hant ar gevredigezh :

- Sammad ar skodennoù bloaz,
- Ar sammadoù dastumet o werzhañ kilometradoù pe produadoù stag da-geñver ar Redadeg,
- Ar yalc'hadoù a c'hellfe bezañ roet gant ar Stad, ar rannvro, an departamantoù, ar c'humunioù pe strollegezhioù all.
- Ar c'hapitalioù deuet diwar an arboell graet diwar ar budjed ha postet evel arc'hant mir,
- Mammennoù all aotreet gant al lezennoù, an testennoù lezennel ha reolennel.

**Mellad 8 :**

Ne vo atebek eus an emglevioù graet en anv ar gevredigezh « Ar Redadeg a di da di » nemet glad ar gevredigezh hec'h-unan ha ne c'hell ket hec'h izili bezañ lakaet da atebek ez personel.

**Mellad 9 :**

Bez ez eus eus ar gevredigezh « Ar Redadeg a di da di » hollad hec'h izili :

- izili saverien, da lavarout eo ar re o deus kensavet ar gevredigezh hag a zo izili a wir,
- izili emezelet, a emezelo goude.

N'eus nemet an dud a c'hell bezañ izili ha goulenn bezañ izili eus ar gevredigezh. Dre skrid e rank ar goulennoù emezelañ bezañ graet ouzh ar C'huzul-merañ a asanto dezho pe get, ma vez nac'het ne vo ket ret reiñ d'ar goulenner da c'houzout an abeg.

**Mellad 10 :**

Paouez a ra unan da vezañ ezel :

- pa varv,
- pa ro e zilez dre skrid,
- pa vez lakaet er-maez gant ar C'huzul-merañ dre ma n'eo ket bet paeet ar skodenn pe ma n'eo ket bet doujet ar statudoù pe ar reolenneg diabarzh.

Ar statud a ezel saver a vez kollet ma ne gemerer ket perzh e emvodoù kreiz ar Redadeg e-pad 3 bloaz da renk.

**Mellad 11 :**

Bez ez eus eus Bodadeg-veur ar gevredigezh hec'h holl izili-saverien hag izili-emezelerien. Barrek eo da zivizout war vuhez ar gevredigezh hag hec'h obererezhioù. Galvet e vez izili ar gevredigezh gant ar prezidant pemzektez da nebeutañ a-raok an deiziad lakaet. Meneget eo ar roll-labour war ar c'halvadenn.

Bodet e vez ur wech ar bloaz e Bodadeg-veur Ordinal evit tennañ kentel eus ar Redadeg bet ha reiñ lañs d'an hini da heul pe evit tuta, kelaouiñ diwar-benn ar Redadeg e go.

Peurzivizet e vo implij hag ingaladur an 50 % eus an argant dastumet dre argantiñ a-stroll kilometroù pep Redadeg a ya da raktresoù (n'eo ket lodenn Diwan) gant ar Vodadeg-veur a-raok ma vo aozet pep Redadeg.

Displeget e vo e ginnigoù gant ar C'huzul-merañ.

Termenet eo an dezverkoù a dalv evit reiñ arc'hant ha dibab ar raktresoù gant ar reolenneg diabarzh.

Mouezhiet e vez ar reolenneg diabarzh gant peurmuianiver ar Vodadeg-veur.

Er bodadegoù-meur ne vot nemet an izili a vez bezant.

Bodet e c'hell ar Vodadeg-veur bezañ e Bodadeg-veur Dreistordinal diwar c'houlenn ar C'huzul-merañ pe da nebeutañ eus un drederenn eus e izili evit plediñ gant an aferioù dreistordinal-mañ :

- Divodadur ar gevredigezh
- Kemmadur ar statudoù
- N'eus forzh peseurt kudenn diazez evit buhez ar gevredigezh ha tizhadur he falioù.

**Mellad 12 :**

Meret eo ar gevredigezh « Ar Redadeg a di da di » gant ur C'huzul-merañ ennañ a 7 da 25 (niver ampar hollbouezus) ezel dilennet gant ar Vodadeg-veur. Etre div Vodadeg-veur e c'hell ar C'huzul-merañ kendibabiñ izili 'zo hervez an ezhomou. Evit bezañ dilennet e ranker tapout peurmuianiver ar vouezhierien er Vodadeg-veur. Pep merour a vez dilennet evit tri bloavezh. Nevezet e vez ar C'huzul-merañ dre drederenn bep bloaz, bez e c'hell an izili a guita bezañ addilennet. E daou vloavezh kentañ buhez ar gevredigezh e vo tennet d'ar sort anvioù ar verourien ret dezho kuitaat.

Galloudek eo ar C'huzul-merañ evit merañ ar gevredigezh etre emvodoù ar Vodadeg-veur. En em vodañ a ra da nebeutañ ur wech bep trimiziad.

Dreistgalloud a zo gant mouezh ar genprezidanted e kenkaz ma vefe un niver ingal a vouezhioù a bep tu.

An divizoù a c'hell bezañ kemeret e-pad un emvod ordinal, dre votadeg, gant an izili a vo aze. Ne vo ket roet galloud votiñ ebet gant ar re ne vint ket en emvod.

**Mellad 13 :**

Dibabet e vez gant ar C'huzul-merañ ur burev e-touez e izili, ennañ da nebeutañ :

- 1 prezidant pe 2 genbrezidant karget da zileuriañ ar gevredigezh en holl aktoù ar vuhez sivil. Gellout a ra envel un ezel all eus ar C'huzul-merañ evit e zileuriañ.
- 1 teñzorer karget da c'hoursellout ouzh kontaouerezh ar gevredigezh ha da ginnig ar bilañs bloaziek er Vodadeg-veur.
- 1 sekretour karget da zerc'hel marilh dezrevelloù emvodoù ar Vodadeg-veur, ar C'huzul-merañ hag ar burev. Aozet e vez an emvodoù gantañ.

Bez e c'hell bezañ goulennet ouzh ne vern pe ezel eus ar C'huzul-merañ dont da sammañ hini pe hini eus ar postoù-se e ken kaz ma chomfe vak e-pad pell. Diouzh ezhomm e c'hell un ezel nevez bezañ kendibabet.

Dilennet e vez ar burev evit 2 bloavezh (ar bloavezh evit prientiñ ar Redadeg ha bloavezh ar Redadeg), bez e c'hell an izili a guita bezañ addilennet.

D'ar burev eo da luskañ termenadur obererezhioù « Ar Redadeg a di da di » ha da seveniñ an divizoù kemeret gant ar Vodadeg-veur ha gant ar C'huzul-merañ. Dorn seveniñ ar gevredigezh ez eo.

**Mellad 14.**

Bez e tle bezañ er Vodadeg-veur galvet a-ratozh diwar-benn divodidigezh ar gevredigezh da nebeutañ an hanter eus hec'h izili.

Ma n'eo ket tapet ar feur-se e vo adc'halvet ur Vodadeg-veur all, eus unan da deir sizhun goude, a c'hell da neuze, n'eus forzh an niver eus hec'h izili, kemer divizoù. E pep degouezh ne c'hell an divodidigezh bezañ votet nemet gant muianiver dre drederenn eus an izili bezant. Mar bez divodet ar gevredigezh e vo roet hec'h holl leve d'ar gevredigezh Diwan.

Savet e Karaez d'an 17 a viz Kerzu 2016

Sinadurioù

**ar Prezidanted**  
Jerald ar Gov



**ar Sekretourien:**  
Berc'hed Kallag

